



ՀԱՆԳԻՍ
ԳԵՐԱՇՆՈՐ՝ Տ. ԳՆԵԼ ԱՐՔԵՂԻՄԿՈՂՈՍ
ՃԵՐԵՃՅԱՆԻ
(1915-2001 թթ.)

Սույն թվականի օգոստոսի 26-ին Դամասկոսում, 86 փարեկան հասակում, ի Տեր հանգյալ Դամասկոսի հայոց թեմի առաջնորդական փեղապահ, Գերաշնորհ Տ. Գնել արքեպիսկոպոս Ճերեճյանը:

Հանգուցյալ Սրբազան Հայրը (ավագանի անունով՝ Թովմաս) ծնվել է 1915 թ. Կիլիկիայի Ադանա քաղաքում, վանեցի ծնողների ընտանիքում: Սրբազանի հոր՝ Հովսեփի հորեղբորորդին է եղել Աղթամարի Կաթողիկոս Խաչատուր Շիրոյանը:

Հանգուցյալ Սրբազան Հայրն իր նախնական կրթությունը ստացել է Լավոդիկե (Սիրիա) քաղաքի հայոց Սրբոց Հակոբյանց ազգային վարժարանում:

1928 թվականին ընդունվել է Երուսաղեմի Ժառանգավորաց վարժարան, որի քառամյա դասընթացն ավարտելով, 1934 թվականին Թորգոմ Գուշակյան Պապրիարքի ձեռամբ ձեռնադրվել է սարկավագ:

1937 թվականի հունիսին, Տ. Արտավազ արքեպիսկոպոս Սյուրմեյանի ձեռամբ, Հայեպի Ս. Քառասնից Մանկանց եկեղեցում ձեռնադրվել է կուսակրոն քահանա:

Այնուհետև սկսվում է Սրբազան Հոր եռանդուն հոգևոր գործունեությունը Հայեպի թեմին ենթակա մի շարք շրջաններում մինչև 1941 թվականը, որից հետո, նույն փարում, ընդունվել է Կիլիկյան Կաթողիկոսության միաբանության շարքերը և կարևոր պաշտոններ վարել Կիլիկիո Կաթողիկոսարանում. փապարանի փեսոյ, Անթիլիասի Մայր Տաճարի դպրապետ, դպրեպանքի ուսուցիչ, «Հասկ» ամսագրի

խմբագրական կազմի անդամ և յուրովսանն ջանացել օգտակար լինել Կիլիկյան Աթոռին:

1942-1943 թվականներին հաճախել է Բեյրութի Ամերիկյան համալսարանի Ս. Գրքի գրականության, Ընդհանուր Եկեղեցու պարմության և երաժշտության դասընթացներին:

1948 թվականին երջանկափառակ S. Գարեգին Ա Կաթողիկոս Հովսեփյանցը նրան շնորհել է ծայրագույն վարդապետական աստիճան, իսկ 1958 թվականին ստացել է եպիսկոպոսական աստիճան:

2001 թվականի փետրվարի 25-ին, կիրակի օրը, Դամասկոսի Ազգային Իշխանության կողմից, ՀԲԸՄ-ի Դամասկոսի ակումբի սրահում, տեղի է ունեցել հոբելյանական ընթրիք-հավաք՝ ի գնահատություն Գնել արքեպիսկոպոս Ծերեճյանի քահանայական գործունեության 65-ամյակի:

Գնել արքեպիսկոպոս Ծերեճյանի մահվան առիթով Նորին Սուրբ Օծություն S. S. Գարեգին Բ Ամենայն Հայոց Կաթողիկոսը ցավակցական հեղուկալ հեռագիրն է հղել Դամասկոսի հայոց առաջնորդարան:

«Նոր ցավով և ախտասնքով ենք տեղեկանում, որ ամսույս 26-ին, կիրակի օրը, կյանքի 86-րդ տարում ի Տեղ հանգրավ Դամասկոսի հայոց թեմի առաջնորդական տեղապահ, Գերաշնորհ S. Գնել արքեպիսկոպոս Ծերեճյանը:

Մայր Աթոռ Սուրբ Էջմիածնում առաջիկա կիրակի օրը, սեպտեմբերի 2-ին, ապա և հանգուցյալ Մորազան Հոր 40-օրեքի կապակցությամբ կատարելու ենք հեղուկապարագի հոգեհանգստյան պաշտոն: Հաճեցեք մոտակա որևէ կիրակի տիրախնամ ձեր թեմի առաջնորդանիստ եկեղեցում նույնպես աղոթք բարձրացնել առ Բազումնորդուն Աստված՝ Հայ Եկեղեցու բազմերախտ սպասավորի հոգվո հանգստության համար:

Խոնկ, աղոթք և բյուր օրհնություն հանգուցյալ Մորազանի հիշատակին:

Առ Աստված աղոթքով մաղթում ենք ձեզ քաջառողջ կյանք և արդյունաշատ գործունեություն:

Օրհնությամբ՝

ԳԱՐԵԳԻՆ Բ

ԿԱԹՈՂԻԿՈՍ ԱՍԵՆԱՅՆ ՀԱՅՈՑ

Ս. Էջմիածին,
30 օգոստոսի 2001 թ.